

# Communicaziun a las medias BCG

## Curs gratuits ed ina cussegliaziun da finanzas nunlianta per senioras e seniors

**Cuira, ils 24 da favrer 2016 – La Banca Chantunala Grischuna (BCG) e Pro Senectute Grischun organischan il mars e l'avrigl curs gratuits davart l'ierta. Ultra da quai pon las senioras ed ils seniors sa laschar cussegljar durant l'entir onn nunliantamain d'in expert en dumondas da finanzas e da facultad.**

La Banca Chantunala Grischuna s'engascha activamain sco partenaria da Pro Senectute Grischun en favur da las senioras e dals seniors. Dapi il 2006 sustegna ella curs e cussegliaziuns e promova uschia l'indipendenza e la qualitat da viver en la vegliadetgna.

### Curs gratuits davart l'ierta e davart il transferiment d'immobiglias

Las preparativas en connex cun la successiun d'ierta pertutgan tuts, saja quai per l'atgna protecziun finanziaria u per il bainstar en la vegliadetgna. A maun d'in exempel concret illustrescha in expert da la Banca Chantunala Grischuna la repartiziun da la facultad tranter il conjugal ed ils descendants tenor il dretg da bains ed il dretg d'ierta ed explitgescha tge ch'ins sto tut resguardar en quest connex. Ils curs han lieu il mars e l'avrigl a Tusaun, Tavau, Landquart e Cuira. In'annunzia è necessaria, la participaziun è gratuita. Detagls èn da chattar en il [program da curs actual](#) sin la pagina 28.

### Cussegliaziun da finanzas per senioras e seniors – gratuita e nunlianta

In auter sector d'engaschament da la BCG è la cussegliaziun da finanzas gratuita e nunlianta. Arthur Soliva, sez pensiunà ed anteriur cussegljader da la Banca Chantunala Grischuna, dispona d'ina experientscha da blers onns ed enconuscha fitg bain las dumondas ed ils giavischs dals seniors. El cusseggia persunas interessadas la mesemna ed il venderdi da las 14.00 fin las 17.00 sut il numer da tel. 081 252 75 84 u via e-mail a [finanzberatung@gr.pro-senectute.ch](mailto:finanzberatung@gr.pro-senectute.ch). Las cussegliaziuns persunalas cumpiglian infurmaziuns generalas en connex cun ils daners e las finanzas, dumondas da la protecziun finanziaria en la vegliadetgna u da l'optimaziun da la taglia.

Ulteriuras infurmaziuns dattan la [Banca Chantunala Grischuna](#) e [Pro Senectute Grischun](#).

### Contact per collavuratur da medias:

Banca Chantunala Grischuna, Medias & Investor Relations, Chascha postala, 7002 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11  
Plutarch Chiotopoulos, [plutarch.chiotopoulos@gkb.ch](mailto:plutarch.chiotopoulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'052 collavuraturas e collavuratur (stadi dals 31-12-2015). En il chantun Grischun cun sias numerusas vals e pliras linguas, è l'interpresa representada cun 62 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Radunanza dals participants: 19 da mars 2016  
Rendaquint semestral 2016: 29 da fanadur 2016

---